

Na osnovu člana 16. Zakona o jedinstvenom sistemu registracije, kontrole i naplate doprinosa ("Službene novine Federacije BiH", broj 42/09), federalni ministar finansija - federalni ministar financija donosi

**PRAVILNIK
O IZMJENAMA I DOPUNAMA PRAVILNIKA O
PODNOŠENJU PRIJAVA ZA UPIS I PROMJENE UPISA
U JEDINSTVENI SISTEM REGISTRACIJE, KONTROLE
I NAPLATE DOPRINOSA**

Član 1.

U Pravilniku o podnošenju prijava za upis i promjene upisa u Jedinstveni sistem registracije, kontrole i naplate doprinosa ("Službene novine Federacije BiH", br. 73/09, 38/10 i 77/10), u članu 9. stav 3. tačka se briše i dodaju se riječi: "a prijavu za zaposlenike koji imaju prebivalište izvan teritorije Federacije prema sjedištu te poslovne jedinice u Federaciji."

Član 2.

U članu 11. iza stava 2., dodaje se novi stav 3. koji glasi:
"Zdravstveno osiguranje budućih korisnika prava na penziju, u periodu od podnošenja zahtjeva za penzionisanje do dostavljanja prijave elektronskim putem u bazu podataka Jedinstvenog sistema, za podnosioca zahtjeva koji ispunjava uslove za sticanje prava na penziju, osigurat će se na način što će Federalni zavod za penzijsko i invalidsko osiguranje popuniti obrazac JS3100 u pojedinačnim slučajevima, na osnovu kojeg će nadležna ispostava Porezne uprave unijeti i obraditi podatke iz prijave, a na osnovu ispisa iz Jedinstvenog sistema Zavod zdravstvenog osiguranja ovjerava zdravstvenu knjižicu."

Član 3.

U članu 20. iza stava 2., dodaje se novi stav 3. koji glasi:
"Obrasce iz stava 1. ovog člana obveznik uplate doprinosa podnosi u roku od sedam dana od dana podnošenja zahtjeva za pokretanje postupka likvidacije kod nadležnog suda."

Član 4.

U članu 36. iza stava 2., dodaju se novi st. 3. i 4. koji glase:
"Obveznici uplate doprinosa iz čl. 11., 13., 22., i 24. ovog Pravilnika, najkasnije do 30. juna 2011. godine, prijave odnosno

odjave mogu podnositi na odgovarajućim obrascima u pisanoj formi.

Izuzetno, ukoliko se prijave odnosno odjave u periodu iz stava 3. ovog člana podnose u pisanoj formi, iste će podnositi prema sjedištu obveznika uplate doprinosa iz Federacije Bosne i Hercegovine."

Član 5.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 04-02-817/11

21. februara 2011. godine

Sarajevo

Ministar

Vjekoslav Bevanda, s. r.